

中國古代版畫叢刊

第二函 函八冊

原書高一六·七公分 闊一五·二公分

紙張高二〇·〇公分 闊一三·〇公分

中國古代版畫叢刊
武經總要前集

(宋)曾公亮編

中華書局上海編輯所編輯

中華書局出版

北京市書刊出版業營業許可證出字第17號
(北京東黃城根北口一〇號)

上海四聯印刷廠印刷
新華書店總經售

一九五九年八月上海第一版
印數：(精裝本)一五〇〇 (平裝本)三〇〇一〇五〇
(內特裝本一〇〇)
開本：二四乘三四(八分之二) 印張：一四又四分之二
字號：一〇·一八·一八〇 定價：二角

武經總要前集卷之二十

益利路

益州今改為成都府路

梓夔路

梓州重和元年改為潼川府路

東西川峽路禹貢梁雍荆三州之地而梁州地為多天
文與秦同分春秋楚巴庸夔夔諸國之地後皆屬楚
秦之漢中蜀郡黔中南郡巴郡皆其境也東至荆峽
北控劍棧西南接羗戎而邑屬廣漢本南夷地沉黎
維川制生僚吐蕃雲安清江控犛犛夜郎江油陰平
扞抵羗之地南溪瀘川撫南詔之國其涪渝數州亦
有夷人不為邊患故不錄而施州黔中置義軍士丁
防守邊徼此

本朝控制之要也

益利路

益州秦漢蜀郡地晉武帝改為成都國南朝皆為益州
唐領西川劔南節度統團結營及松維蓬恭雅黎姚
悉等八州兵馬天寶中平戎昆明寧遠澄川南江等
六軍鎮劔南節度治成都

本朝緣唐制節度使兼統押迭界諸蠻蕪西山八國
雲南安撫制置等使其地東至簡州陽安縣界六十
六里西至永康軍導江縣界八十七里南至陵州籍
陽縣界九十二里北至漢州雒縣界六十七里一路
十五州軍印威茂黎雅五州西抗吐蕃南撫蠻獠暨
雲南諸國利州路十一州軍文龍二州捍吐蕃今合

二路為一置鈐轄以下兵官以益州利州為治所
邛州臨邛縣漢蜀郡故地梁於蒲水口立壘柵為城以
控生獠改曰邛州以南邛來山為名今置一砦牛之
東主夷界百三十里西北至羗戎界百二十里西南
至羗戎界百三十里以山為界西無郡縣

砦一

平黎砦

在火井縣界北至縣三十里

黎州洪源郡古邛諸國漢置沉黎郡後周破羗夷得此
土因立黎州唐長安中割洪源越雋州之陽山置州
取沉黎為名舊領羈縻五十四州今並荒
梗不通西控吐蕃

南捍蠻界東南至邛部川蠻十一日程

西南夷之種也居漢蠻越

焉郡地其酋長自稱百都鬼王西至戎州州西南百二十里渡大渡

河出瘴川口清溪關二百三十里至雋州界又四百

九十里至雋州

雋州即西南夷也程雋州今廢

三百六十里與南詔分界即雲南國

羈縻州五十四

羅叢州

索古州

秦上州

合欽州

馴川州

輒縻州

蓬州

栢坡州

博盧州

明川州

施肢州

蓬矢州

大渡州

米川州

大蜀州

河東州

諾作州

甬嵐州

昌明州

歸化州

象川州

叢夏州

和良州

和都州

附樹州

東川州

上貴州

滑川州

比川州

吉川州

甫葉州

比地州

蒼榮州

野川州

邛陳州

貴林州

護川州

牒綜州

浪彌州

邛郭州

上欽州

時蓬州

叢馬州

檇查州

邛川州

護邛州

脚川州

開望州

上蓬州

北蓬州

剝重州

久護州

瑤劍州

明昌州

稚州靈山郡嚴道故地後魏因招携離散僑立靈山郡

唐初立稚州下都護府今管羈縻四十六州吐蕃生

獠置五砦守之東至邛州界八十里西南至黎州百

里州西陸行三百六十里蠻界嚴羅州靈山縣西北六十里章靈

山下有右狹口闊三文長二百步俗謂之靈閣外即生獠也西北陸行五百七十

里吐蕃栖鷄城東陸行二百三十里塗州西陸行二

百三十里悉州南陸行二百六十里至雪嶺北陸行

九十三里翼州界東南陸行一百六十里吐蕃舊界

砦戍五

礪門砦

在嚴道縣界東南至縣八十里

靈關鎮砦

在靈山縣界南至縣八十里四面險峻控帶蕃界今有土兵鎮守

榮經縣砦

在本縣城內有兵馬監押守戍

魚泉戍

在靈山縣界南至縣西四十里接邠州大井縣

瑯瑤戍

在靈山縣界南至縣二十里

羈縻州四十六

羅巖州至州四百八十里

當馬州至巖州二百里至州四百七十八里

三井州至羅巖州五里至州四百七十五里

來鋒州至羅巖州二里至州四百七十八里

名配州至羅巖州二里至州四百七十七里

鉗笨州至羅巖州二里至州四百七十八里

斜恭州至羅巖州五里至州四百七十五里

晝重州至羅巖州二里至州四百八十八里

羅林州至羅巖州三里至州四百七十七里

籠羊州至羅巖州一里至州四百七十九里

林波州至羅巖州六十里至州四百四十里
林燒州至羅巖州四十里至州四百四十里
龍蓬州至羅巖州四十里至州四百四十里
索古州至羅巖州五十里至州四百三十里
敢川州至羅巖州四十里至州四百四十里
驚川州至羅巖州五十里至州四百三十里
禍眉州至羅巖州七十里至州四百四十里
木燭州至羅巖州四十里至州四百四十里
百坡州至羅巖州四十里至州四百四十里
當品州至百坡州五十里至州三百七十五里
巖城州至百坡州二十里至州二百六十里

中川州至百坡州五里至州三百七十五里

鉗矢州至百坡州二十五里至州三百五十五里

昌磊州至百坡州二十里至州三百六十里

鉗井州至百坡州二十五里至州三百五十五里

林波州至百坡州三里至州三百七十七里

會野州至百坡州六十里至州六百三十里

當仁州至會野州三百里至州六百二十五里

推梅州至會野州一十里至州六百二十里

作重州至會野州二十里至州六百三十里

揭林州至會野州一十里至州六百三十里

金林州至會野州四十里至州六百一十里

諾作州至會野州四十里至州六百一十里
三恭州至會野州五十里至州五百八十里
布嵐州至會野州六十里至州五百七十里
欠馬州至三恭州五里至州六百二十五里
羅蓬州至欠馬州一十里至州六百二十里
已上三十七州並管羅巖州會野州路

諭川州至州五百八十里

讓川州至諭川州五里至州五百七十里

遠南州至讓川州二十五里至州五百六十里

卑廬州至夔龍州一十里至州五百六十里

夔龍州至卑廬州二十里至州五百六十里

耀川州至金川州十五里至州五百六十里

金川州至耀川州十五里至州五百六十里

東嘉梁州至金川州二十里至州五百六十里

西嘉梁州至東嘉梁州十里至州五百六十五里

已上九州並管夏陽路

茂州汶山郡漢武置汶山郡梁置繩州取桃關之路以

繩為橋因作州唐置茂州又建都督府管羈縻十七

州東至綿州四百里西至威州二百二十里州北陸

行百五十里至翼州又二百里至松州又三百里至

芳州西南陸行三百七十里至塗川州西北陸行至

吐蕃柘鷄城

羈縻州十七

靜州管部落四百戶去州七十五里

恭州管部落二百戶去州五里

當州管部落五十戶去州六十五里

直州管部落二百二十戶去州三十里

時州管部落一百戶去州六十里

巖州管部落二百七十五戶去州二十里

塗州管部落六十戶去州五里

達州管部落一百戶去州百五十里

松州管部落一百戶去州七十里

飛州管部落二百戶去州三百里

柘州管部落一百戶去州七十里

乾州管部落四百戶去州三百里

悉州管部落三百一十五戶去州二百里

可州管部落二百戶去州五百里

翼州管部落二百戶去州三百里

向州管部落五十戶去州三十里

居州管部落五十戶去州三十里

威州維川郡古獫狁之地蜀羗維馬忠討汶山
叛羗卽此地也唐武德中白狗羗內附乃于姜維故
城置維州南界江陽岷山連嶺而西不知其極北望
陽山積雪如玉東望成都若井底一面臨峰三面臨

江是西蜀控吐蕃之要也唐時吐蕃得之號無憂城
宣宗收復

本朝以羈縻保霸二州隸焉景祐初改今名威州東
至金州二百三十里西至悉州二百三十里南至雪
嶺一百八十里北至蕃界

羈縻州二

保州雪山郡本維州定蕪縣南至吐蕃為夷落之極
塞唐開元以來董氏世襲刺史

霸州靜戎郡唐天寶中招慰生羌置郡亦許世襲

利州治綿谷縣本漢中地昔蜀王封第苴侯命邑曰葭
萌秦命司馬錯伐蜀出劔關即此地亦謂石牛道東

至閬州岐平縣集州難江縣界三百四里西至文州
曲水縣龍州江油縣劔州劔門縣界二百八十里南
至劔州劔門縣閬州蒼溪縣界一百六十里北至三
泉縣文州曲水縣界三百二十五里西南控巴蜀東
北接梁洋號為要害唐為都督府今為昭武軍節度
今置益州路兵馬鈐轄治於益州

文州陰平郡古氐羌之地漢開西南夷置陰平道屬武
都郡西魏置文州西至龍州四百里南至浪州二百
四十里東至扶州界一百二十里北至階州六十三
里西南陸行六十里扶州界又九十里至扶州又三
百里至松州西北吐蕃界大恭嶺一百二十里

龍州江西郡漢魏以前為無人之境鄧艾伐蜀由陞平
道景谷行七百里鑿山通道作橋閣山高谷深至為
險難艾以氍自裹縛而下將士攀木緣崖魚貫而進
先登至江油即此地西魏建州東至利州界三百三
十里西至松州界二百四十里里接蕃部山谷深險
不通人行南至綿州界八十五里北至文州一百一
十五里西三百里至松州西北五百里至扶州

梓夔路

梓州梓潼郡漢屬廣漢巴西二郡地隋置梓州左帶
潼水右挾中江居水陸之要東西果州西充縣界二
百里西至漢州德陽縣界一百五十五里南至普州

樂至縣界二百三十八里北至劍州普安縣界一百六十二里凡統十五州軍戎瀘二州處邊防夔州路九州軍施黔二州雲安軍居蠻叛西盡巴夔控帶夷獠唐置東川節度夔州置團結兵戍守與西川節度相犄角

本朝令二路為一置鈐轄以下兵官遂州夔州為治所兼領施黔思三州緣邊諸砦將士丁義軍四千三百二十七人並隸都巡檢司慶曆中詔著遷職例自押蕃至軍頭凡七年一轉資副都頭至指揮使十年一轉資緣功者不循此例功微者但給益菜義軍之守邊最為建仇習知山川道路每蠻寇至不計遠近

掩殺官軍守險策應而已

南溪郡

正和四年改為叙州

夔候國也秦惠王破滇池通五尺道

漢武得唐蒙理道于此而破牂牁夜郎因置夔道梁
置州以鎮戎夷隋移於南溪唐置中都督府管羈縻
州三十今東至瀘州三百八十里西至羈縻武昌德
州二千五百七里南至馬湖江羈縻武昌德州界二
千三百一十七里北至榮州公井縣界二百四十五
里西南至馬湖江千里又至石門鎮三百里協州四
百里至南詔國所居陽苴咩城二千三百里置一砦
控其要

縣砦一

南溪縣砦

漢南廣縣地控生獠後周置南武成隋改今名
東至瀘州江安縣南至涪井監界三十五里西
至青衣江西岸界並夷獠所居南至瀘州江安
縣界十五里北至瀘州江安縣界二十五里

瀘州瀘川郡梁置州取瀘水為名唐開山洞置羈縻州
十三並屬瀘州都督後又益五州管夷人丁口十萬
今東至渝州江津縣界三百三里西至戎州南溪縣
界一百八十里南至納州五百二十七里北至昌川
永州縣界八十五里

戎州西二十里渡江即至納溪
口水路自生戶夷人界入烏蠻

路置砦四控其要

真宗朝夷獠叛詔曰瀘州三月節苦瘴毒蠻人旅拒
可量差戎兵守其要害之地以防之

監縣砦四

涪井監

西控悅江口隋富世縣地有鹽井入獲厚利號
玉女泉故云富世今升為監控夷獠之要衝也
水路至州九百程監城舊無濠塹祥符中巡檢
王懷信發兵浚濠築城捍近界夷人東戎州百
里西悅江口至蠻界悅州西烏蠻界南晏州界

江安縣

漢江陽縣地隋改今名天禧中為戎瀘資榮都

巡檢所夷獠驚擾便於應援縣東南自納州

漢水至烏蠻界

合江縣

漢江符縣地晉置安樂縣周改今名當綿水大江之口在涇水之南

三江砦

西北至州陸路三日程水路五日程自江路八黔南至涪井監三十里

烏蠻姚州戎瀘州界唐武德後開拓山洞置四十八州安輯夷獠迄今許世襲通時貢或巨或否羈縻而已隸成州者三十隸瀘州者十八

本朝慶曆中烏蠻王得蓋自言十年彈壓人不入漢界為過因乞州名符印詔名姚州即雲南國之地也

戎州羈縻州三十

連州在戎州西南九百二十七里坐筠州析出

南州在戎州西五百四十五里從盈州析出

德州在戎州南五百六十四里從志州析出

為州在戎州南四百九十里從扶德州析出

洛州在戎州南四百二十里從照州析出

移州在戎州西南五百八十七里

照州在戎州南三百九十六里

筠州在戎州南四百一十七里

志州在我州西四百五十六里

盈州在我州西五百五十七里

猷州在我州南六百六里

武昌州在我州南二千二百一十七里

扶德州在我州東南四百五十七里

播郎州在我州南二百八十七里從澶州析出

商州在我州西七百九十三里

馴州在我州西北七百九十三里

浪州在我州西一千三百四十里

騁州在我州西一千三十二里

協州在我州西南八百里

靖州在戎州西南五百一十里

曲州在戎州西南九百里

播陵州在戎州南五百七十七里

鉗州在戎州西南四百五十七里

哥靈州在戎州西南一千四百里

切騎州在戎州西南一千一百里

品州在戎州西北二千三百九十五里

從州在戎州西南二千六百四十二里

犵連州在戎州南九百里

碾衝州在戎州西南九百九十七里

瀉州在戎州南九百一十二里

瀘州羈縻州十

納州北自納溪口至瀘州三百五十里以施池水為界唐儀鳳中開山洞置天寶中改都寧郡乾元中復為納州

薛州在瀘州西南七百六十里北涪井監唐儀鳳中招生檢置天寶中改為黃池郡乾元中復為薛州管山後夷人丁口五萬

晏州在瀘州東南五百三十里北涪井監唐與薛州同置天寶初為羅陽郡乾元初為晏州繫山前管六縣夷人丁口三萬

鞏州在瀘州西南六百里西北涪井監唐儀鳳中開

山洞置天寶初改為因忠郡乾元初為鞏州管山後夷人丁口一萬

奉州在瀘州西南七百里北涪井監唐儀鳳中置管山後夷人丁口三千

悅州州之東有三路一入涪井監甚平易一自峽石路至涪井監險隘一自悅江口水路入瀘州管山前夷人丁口萬人

思義州在瀘州東南四百五十里東至涪井監西南至戎州南溪縣界唐天授中置管山前夷人丁口八千

長寧州在瀘州西南五百三十里

能州唐太定中置

涪州在瀘州西南四百五十里唐久視中置理涪川
縣管山前夷人丁口六百

浙州唐儀鳳中置理浙原縣管山前夷人丁口六百
定州在瀘州西南七百六十里本涪州新定縣地分
置州管山後夷人丁口五千

宋州在瀘州東南三百三十里

順州在瀘州東南四百五十里唐載初中置理曲中
縣管夷人丁口萬人

藍州在瀘州東南六百里

溱州唐正觀中置

高州在瀘州西南七百八十里

姚州至涪井監三十日程漢我帝開西南夷置益州部永昌郡雲南即蜀邑也蜀諸葛亮南伐五月渡瀘深入不毛即此也遂置雲南郡居弄棟川天寶中蠻王閣羅奉弗恭以鮮于仲通將兵十萬討之大為所敗帝臯鎮蜀兼雲南招撫大使冊為南詔是也厥後或臣或否西南夷中最大者今僑立姚州令得蓋領之

夔州雲安郡古巴郡地也晉置三巴都尉綏靖蠻寇隋立夔州總管府州城臨大江之峻據三峽上游今東至歸州三百四十里西至雲安軍界一百二十里南

至施州界五百里北至大寧監界六十二里為寧江
軍節度置梓州夔路兵馬鈐轄以梓州為治所置五
砦守其要

砦三

茆田砦

黃連砦

王湯砦

石門隘砦

支龍坪石磊砦

已上並在蜀江南岸

施州清江郡古巴郡之境唐置施州地雜夷落土俗輕
悍今管羈縻五州時通朝貢置十二砦守之管義軍
土丁砦將一千二百餘人東至峽州界三百一十里
西至萬州界二百二十里南至高州界三百一十五

里北至夔州界一百一里西北至夔州界一百三十
里西南至黔州界二百三十六里東南至澧州界二
百四十七里又自維子岩小路至澧州慈利縣界東
北陸行五百五十里至叙州南三百四十里至高州
砦十二

寧邊砦

舊名暗利天聖中賜今名北至州三百里西至
五路溪口入蠻界約五十里南至安化州蠻界
連天砦

西至州四百五十里東南羅大砦松木隘曲木
隘八溪峒懿州路南至蠻界二十里又三十里

至順州

尖木砦

東北至州三百里七百程砦城咸平中置初高
州蠻人鈇畧漢界乃置砦守之溪峒帖息

永寧砦

西北至州二百六十里

靜邊砦

東北至州二百五十五里七日程南順州西尖
木砦十五里

施度砦

北至州二百二十五里西南歌羅砦

永興砦

南控五路溪中入天賜州界控蠻界五路溪口
北至州二百六十里

歌羅砦

東至施度砦十五里西南至永興砦西北至州
二百四十五里

細砂砦

北至州二百八十五里

太平砦

北至州一百三十二里

羅大砦

在建始縣界北至縣四百七十三里

支士砦

在建始縣界北至界二百七十里

羈州寨五

咸平中轉運使丁謂招撫蠻人每有城諭並令飲血
為盟置鐵柱以誌其事條制甚多蠻酋三十人悉補
峇將

西高州夜郎郡古山獠夜郎國之地漢牂牁都尉居
之唐蒙自夔道牂牁江即此地舊名珍州蠻首田
氏世襲乾德中改今名北至尖木峇五日程祥符初
五團蠻嘯聚攻高州欲令暗利峇出兵援之
真宗以蠻夷相攻不許

富州蠻首向氏世襲刺史天禧初向通漢來朝官至
五溪十洞都防禦使

順州

奉化州

天賜州

黔州治彭水縣古蠻夷地春秋庸人率庸蠻叛即其地
秦置黔中郡五溪蠻之西界也五溪謂酉辰巫武沅
也永嘉後汲入蠻夷二百五十年為獨移黔南寄治

涪州

本朝理黔州管黔內思南費溱夷播六州東興施溪

隔一高領其西南溱高州與瀘用接竟又有羈縻州數十其十州有名

得通朝貢並夷獠部落置砦三十二守之管土軍三千四百人東至南州四百里西至部州界四百四十里南至夷州界五百九十一里北至中州二百四十三里西北至部州界四十二里東南至思州界二百二十里西南行二十九日至南寧州接雲南昆明部

落

黔江縣管砦二十九

白石砦

在縣東一程併興洛長王兩砦為一砦
把托

馬欄砦

在縣東一程半

白水砦

在縣北四程

佐水砦

在縣東二程併合蓬重王兩砦為一砦
把托

永安砦

在縣東三程明道中重修

安樂砦

在縣東三程

雙洪砦

在縣東四程

小村砦 在縣東二程

鹿角砦 在縣東七程

在營砦 在縣東四程

郊田砦 在縣東四程

古水砦 在縣東五程

繸虫種砦 在縣東五程

木欄砦 在縣東一程

洛水砦 在縣東六程

潛干砦 在縣東七程

虎眼砦 在縣東三程

木孔砦 在縣東一程

正德縣志卷之六
六保砦

在縣東北三程

相陽砦

在縣東三程祥符中重立有砦主以官

軍兼土丁守把

土溪砦

在縣東北一程

東流砦

在縣東北兩程

李昌砦

在縣東北兩程

石柱砦

在縣東南一程

高望砦

在縣東南一程

石門砦

在縣東南一程

萬就砦

在縣東南一程

小溪砦

在縣南五程

僕射砦

在縣南二程

彭水縣管砦三

雜溪砦

在縣東三程

小洞野漆橋隘砦

在縣東三程

界山砦

在縣東四程

羈縻州西南漢牂牁郡地唐置費珍莊瑛播卽牂夷等諸州今謂之黔內者六羈縻者十皆以黔州控扼之其領郡者或以土豪或補以牙職而一方恬然此本朝規制之得也

黔內州六

思南費秦川黔州牙職典州事有租稅貢奉夷播二

州土人世襲

思州隋巴東之務川縣也唐置務州改為思州當犛
犛要路以招慰生獠西北至州三百五十里管義軍
一千四百二十二人

南州南川郡本焚溪生獠唐招諭以置郡尤為高險
東至渝州西至黔州四百里南至秦州三百五十里
東北自龍合川路至州千里

費州涪州郡因費水為名隋志曰九丘之外有費州
是也唐正觀中分黔州涪州縣置州招慰生獠州之
南即廣南溪洞界西入西南蕃路北至州七百五十
里

溱州溱溪郡即唐初開拓南蠻因置州即夜郎地東北至州五百五十里東至州水路千一百里西至瀘州七百六十里西南興元府城固縣界

夷州緩陽郡本牂牁地荊州之外歷代不臣附隋置夜州唐置夷州于寧夷縣領夜郎等縣古徼外蠻夷也

播州播川郡即秦夜郎且蘭二郡西南隅之地正觀中置郡于播川東北至州八百一十里

羈縻州十

充州夜郎侯邑也又云牂牁八郡在夜郎之西司馬相如開之至牂州百五十里

牂州牂牁郡五代志曰牂牁之地宜州之西陸行四
十五日程東辰州二千四百里南交州一千五百里
西昆明九百里無城郭散居村落稱皆再熟征戰時
乃相聚

莊州楚威王時莊躄將甲兵入牂牁地討平後置州
以莊為名

蔣州龍溪郡至牂州百里又五十里至犍州

犍州東北至牂州百里西南至莊州五十里又百里
至桂蒲關

南寧州本清溪鎮東北至黔州二十九日程西南八
日程至羅殿王部落接雲南界地出名馬產寶貨行

令史萬歲討平之

琬州

清州

矩州

蠻州

雲安軍軍城漢胸臆縣地今縣西萬戶故城是也有鹽并之利蠻夷雜居

本朝始建為軍置三砦守之東至夔州百三十里西至萬州百四十二里南至施州二百七十里北至大寧監四百二十六里蜀江水路東入夔州界一十八里西入萬州界六十里

砦三

思問砦

在縣南二百里

南平砦

在縣南二百里

捍文砦

在縣南一百里

已上並

本朝咸平中置

武經總要前集卷之二十終

武經總要前集卷之二十一

荆胡北路

荆胡南路

廣南東路

廣州西路

荆湖兩路皆天文張翼軫之分春秋楚地秦之長沙黔
中南郡悉其境東界鄂渚西接溪洞南抵五嶺北連
漢沔其人多勁悍忿決勇於私鬪自南郡凌夷盧溪
辰陽諸郡無雜蠻夷散處山谷其外又有羈縻州縣
歲時修貢間侵邊境

朝廷據要害戍守凡典城領兵者並擇武幹以充其
任其禮鼎辰峽潭全邵永州仍募土丁置砦將與官
軍雜戍界上

荆湖北路

江陵府南郡禹貢之荊州漢初領南蠻校尉晉為南平郡居江左上流外控蠻蠻土地遼曩至南朝皆擇重臣守之唐初為都總管府上元中加荆南節度領澧鼎峽夔忠萬等州

本朝改今名其地東至復州二百二十里東北至荊門軍百九十里今置荆湖北地兵馬都鈐轄已下兵百七十里今置西至峽州三百五十里南至澧州二鄂岳辰鼎等十三州軍以府為治所其捍邊寇者澧鼎而下五州為本路置州兵及

朝廷遣禁旅更戍外又領義軍士丁一萬九千四百

六十二人

澧州天門郡漢屬荊州吳分武陵西界立郡曰天門隋改為澧州在澧水之北今與辰鼎二州並為極邊分控羈縻州數十州境置十砦東至嶽州水路七百里西至蠻界溪州水陸一千里南至鼎州一百八十里西南至辰州六百七十里北至江陵府三百里

砦干

伏求砦

舊砦也東至州九十里咸平中置

石門縣砦

漢屬武陵郡吳為天門郡隋平陳為石

門縣

本朝咸平中置砦東至州百里西南慈利砦

慈利縣砦

漢陵陽縣隋改今名天禧中置砦東至

州水行二百四十六里西至武口砦接黔州界

十餘里南至辰州辰陽縣界二百三十里東北

靈溪砦

靈溪砦

捍高州蠻界咸平中置西北慈利砦北

石門砦

臺直砦

舊砦也天聖中移置東至州水路四百

里七日程

索口砦

天禧中置在慈利縣境東至州六百程

東北臺直砦西南西牛砦南澧川砦西北安福

砦

澧川砦

祥符中置在慈利界正控溪洞之口東

至州九日程

西牛砦

天禧中置東至州十日程

武口砦

在慈利縣界正控溪洞與澧川砦同置

東至州十日程西南下溪州二百三

對西接

高州與同界砦城三面控武溪口

安福砦

天禧中置深在蠻境控彼底溪惡石溪

二水東至州十四日程東南索口砦東北施州

羅大砦

鼎州武陵郡

隆興二年升為常德府

秦使白起畧取蠻夷置黔中

郡後司馬錯立城據此以扼五溪之要有臺頭山天

門山後漢武陵蠻叛伏波將軍討破於臨沅即此地
隋置胡州

本朝改今名東至岳州華容縣界三百五里西至辰
州辰陽州界二百四十六里南至潭州益陽縣界一
百六十五里北至澧州澧陽縣界九十里管砦四

砦四

黃石砦

東南至州一百二十里

白磚砦

東南至州一百七十里

湯口砦

東南至州二百二十里

桃源砦

砦城本武陵縣地乾道中析其西境置

砦以兵戍之東至州六十里

溪洞州在辰鼎澧三州之界外皆盤飶遺種世為邊寇
討之則負固自守事久則勞人煩費故前代皆為獸
畜之歛附則度而不逆反叛則棄而不追唐季承亂
遂自立州縣建為刺史晉天福中馬希範守湖南溪
州酋彭士愁等以溪錦蔣三州歸焉民立銅柱為
界

本朝因而撫之

太宗時溪錦叙富四州蠻相率詣辰州願比內郡民
輸租稅詔本道安山川地形以圖來獻卒不許之此
聖王深惟遠覽之至也惟設溪洞諸州賜以印綬羈
縻不絕故也戍之兵差減前世今管溪洞南北兩江

武經總要
卷之三
五十六州

北江州三十六

上溪州古靈溪郡分辰州大卿縣置州東至辰州三百六十里西至黔南五百里南至錦州五百六十里下溪州自澧州武口砦過生羊峽設木梯到馬縣嶺渡江至州天禧中知辰州錢絳領兵至城下焚其砦

柵

忠彭州

來化州

南州

謂州

未順州

溪寧州

感北州

黎州

捷州慶曆中改為罷賜州

溪監州

新府州有城

永州

順州

保靜州

古州

萬州

遠州

費州慶曆中改為天則州東至蔣州六百里

奉州

襄州

許賜州

越州

寧化州

向化州

歸明州

新定州

歸信州

保安州

順現州

保富州

武王... 卷一

安永州

新化州

遠富州

新賜州

南江州二十

富州刺史並兼都巡檢使初因本州向通漢上言五
漢十洞控西南夷之地為辰州墻壁故加是名天禧
中求納土疆不許

懿州湖南烏希範建以叙州潭陽縣為州 古州

叙州素為黔中漢武陽地在武水之陽唐正觀中分
辰州龍標縣置巫州東至辰州五百三十里南至融
州一千五百里西至古州二千一百里北至辰州五
百里

元州

鶴州今為西高州

雲州

碭州

黔州

衡州

繡州

波州

顯州

晃州

獎州盧陽郡唐垂拱中分麻陽縣并開山洞置州西至費州六百里龍溪郡北錦州一百五十里錦州東至辰州三百五十里南至獎州一百五十里唐垂拱中分辰州開山洞於麻陽縣界置州北至溪州五百六十里

保勝州

允州

冷州

綿州

辰州治沅陵縣古蠻夷地秦置黔中郡漢曰辰陽在辰

水之陽縣西故城是也馬援征蠻臺頭山渡舊至德元即

此唐初為辰州尋升都督有又為盧溪郡在牂牁東

界置十九砦控之守郡者蕪溪洞總檢使東至鼎州

四百六十里南邵州界五百二十里西南至溪州三

百八十里自石門洞西南至叙州三百二十里按皇

達記二百四十里即叙州界又一百二十里至蔣州

又二百八十里至名州又百里至牂州五十里至捷

州又五十里至雅州北至澧州七百五十里西此至溪州百八

砦十九

盧溪砦

正州西南一百三十里招諭縣北盧溪

口因縣城置砦縣西有武溪小水路入蠻界祥符中轉運司言盧溪慢水等砦最為衝要只以木為砦城因請版築從之舊有石洞砦深在蠻界不當要路無所控扼遂毀有事許馳報盧南溪砦

慢水砦

在州東二百里

叙浦砦

漢武陽縣也因縣城置砦控叙浦江口

北至州西南至富州界

新興砦

在州北百里西北至下溪州自深溪源

水路入

招諭砦

因縣城為砦下枕辰溪在州西南一百

四十里西麻陽縣砦東麻陽砦南龍門砦北結

僚洞

百溪砦

在州西七十里西北結僚洞北盧溪界

結僚團至盤瓠崖

落鶴砦

在州西北五十里西盧溪界入徑團又

西至結僚洞

東亭砦

在州東三百里控東亭溪口

江口砦

西南招諭砦南龍蓋洞砦城三面控盧

溪水口以盧溪砦生之

烏速砦

在州西北五十里南烏速洞北落鶴

砦城在酉溪上

黔陽砦

在州西六十里西南酉溪堡礮砦城控

黔溪酉溪二口

銅安砦

在州西南二百五十里東富州桃溪路

西富峽二州界

麻陽砦

東招諭縣西北錦州以縣城為之控馬

爺溪一路蠻洞

虎門砦

在州西南二百八十四里東大苗洞西

富州界

驛子砦

在州西六十里北溪州界砦城居酉溪

上

詩水砦

招人砦

在州東北二百五十里

黃頭砦

在州東北四十里

金溪砦

在州西北五十里

峽州治夷陵縣漢屬南郡有夷陵山在西北因以為名
控川峽水路頗為險要孫權時尤重號為西門唐武
德中置州治陸抗故壘其地蕪拓蠻獠置八砦守之
東至江陵三百五十里西至歸州二百里南至江陵
府水路三百三十里北至襄州五百七十里西南至
施州七百里

砦八

新安砦

在州西南一百六

長陽砦

在州西九十五里

麻溪砦

在州西一百三十五里

漢梳砦

在州西南二百二十里

巴山砦

在州西南一百八十里

長樂砦

在州西南一百二十里

魚羊砦

在州西南三百一十七里

梅子亞砦

在州西南三百四十里

荆湖南路

潭州長沙郡古三苗國秦置長沙郡以統湘川南通嶺
嶠控帶溪洞歷代號為重鎮隋建州唐初為都督府

尋置觀察用練使督湘中七郡

本朝領武安節度其地東至袁州界二百五十里北至嶽州二百七十里西南至邵州四百七十里西至鼎州三百七十里南至衡州五百里今置荆湖南路兵馬鈐轄以下安官州為治所領八州

者潭及全邵衡永道桂陽而已九

朝廷置州兵又遣兵戍外更領土軍努手義軍土丁五千一百五十八人

砦一

寧鄉縣七星砦

在寧鄉縣地控梅山洞口木平

與國中置以制蠻獠

全州治清湘縣南扼邕桂之路晉天福中馬希範奏置
州西帶溪洞設峽口七砦禦之管土丁弩手四百人
咸平中知州錢絡請招誘溪洞酋豪

真宗曰西南蠻惟全州一境久已安靜不必以虛名
生事不許東至永州百三十里西至桂州二百五十
里西南溪洞至叙州水陸六千八百里北至邵州三
百三十里

砦七

全西溪洞有粟氏率常殺掠吏民雍熙中置五
砦禦之不能止知州柳開遣以衣帽等物招諭
粟氏五酋長俱出听命皆補全州上佐作時鑑

一篇刻石誠之至今服從

峽口砦

在羊狀洞口東至州三十里

香煙砦

南至祿塘砦三十五里北至石家源五

里

羊狀砦

東至峽口砦二十里西南至小洞二十

里

磨石砦

南至桂府大通廬十五里北至獲源砦

四十里

獲源砦

南至磨石砦四十里北至峽石砦四十

里

長烏砦

南至峽口砦四十里北至香煙砦四十

五里

祿塘砦

南至長鳥砦十里北至香煙砦三十五

里

七砦之外又有洞源路口十六皆夷獠出入路
盡以諸砦每遊徼遣土丁弓弩手防托之

大賊源口

南至香煙砦五里北過山嶺通永州

坦源砦

石家源口

西入洞路通邵州武崗縣南至香煙砦

五里

橫溪源口

南至祿塘砦三十里北至香煙砦五里

紫溪源口

南至祿塘砦三十里北至香煙砦十里

古母洞口 南至祿塘砦十五里北至香煙砦二十

里

哥洞砦 南至長烏砦十五里北至香煙砦三十

里

雄江源口 東至長烏砦五里北至祿塘砦冬五里

栗村源口 南至峽口砦二十里北至長烏砦二十

里

驛馬源口 南至郭源五里在羊狀砦背山外

郎源口 南至羊狀砦三里北至驛馬源五里在

羊狀砦背山外

包源口 東北至羊狀砦二十里

高良源口 南至獲源砦二十里北至峽口砦二十

里

獲源洞口

東至獲源砦五里南至耿陂源十里

耿陂源口

南至磨石砦三里北至獲源砦十里

西延洞口

入洞西北至陽田黃沙鎮約八十里又

大木砦約三十五里又至官祠約二十里並

山溪路

孤留洞口

南至桂州界十五里北至磨石砦五里

邵州治郡陽縣吳分陵零郡北郡立郡陵兼置郡以理

之相南有梅山洞連數州界開寶中江左用兵乘聞

寇武崗登

太宗初年欽盜不止命將平討置十五砦守之管土
丁弩手一千三百二十四人東至潭州五百三十五
里西至蠻界城州一千一十里南至永州二百六十
里北至辰州六百五十里

砦十五

武崗縣砦

即舊城至砦控海山洞口開寶太平興

國中梅山洞左甲首右甲首寇砦城發潭州兵

平之

真田砦

在州西北一百五十里

白沙砦

在州北一百二十五里

水竹砦

在州北一百一十五里

界崗砦

在州東北八十里

王堂砦

在武崗縣界北至縣九十里

羅尾砦

在武崗縣界北至縣一百一十五里

盆溪砦

在武崗縣界東至縣五十里

塘兒砦

在武崗縣界東至縣六十一里

古隈砦

在武崗縣界東至縣五十五里

查木砦

在武崗縣界東至縣六十五里

新興砦

在武崗縣界南至縣五十五里

安定砦

在武崗縣界南至縣七十里

三門砦

在武崗縣界南至縣百四十里

峽口砦

在武崗縣界南至縣九十里

武紀卷之四
百三十一
求州零陵郡戰國時楚之南境後漢書云地多下濕築
土城多壞編木以為城唐初置州去湘水八里控溪
洞之要置三砦守之管土丁二千六百二十人東至
桂陽監百二十里至邵州百六十里南至道州百五
十里北至衡州百三十里

砦三

東安砦

在東安縣界去縣界三十里五代馬氏

置東安

本朝升為縣天聖中置砦

零陵縣砦

即零陵縣也去州一百里天聖中置

樂山砦

在祁陽縣地名樂山鎮控扼方山僞賊

徑路

衡州衡陽郡隋至以衡山為名東至吉州永新縣界三百里西至邵州邵陽縣界一百二十里南至桂陽監界一百九十里北至潭州湘鄉縣界九十二里蠻崖錯居山谷間慶曆中置二砦控之

砦二

懷遠砦

在常寧山中夾控熒中白水洞蠻侏嘯

聚之所接衡道束三州桂陽監界慶曆中度地形便利剗山為城又控太平淳竹等九洞詔以懷遠為名至衡州常寧縣一日程

泉石砦

在常寧縣地慶曆中築地名泉水嶺山

林延袤數百里接衡永道桂陽監九疑山衡山
界舊皆山穡耕鑿自給近與工命甯聚因討平
建砦與冷石源大泉觀村樂山砦分控山谷之
口

道州江華郡春秋楚也秦漢以下或隸長沙或入荊州
唐為道州地與溪洞相接東至桂陽監一百四十里
西至昭州三百一十里南至賀州二百五十里北至
永州一百五十里

砦

冷石源砦 在區分容冷石源

桂陽監漢桂陽郡

今為桂陽軍

在桂陽洞之南唐曰桂陽監

地與溪洞相接東至彬州六十五里南至連州二百三十里西至道州一百七十里北至衡州二百里

岩一

水泉觀岩 在平陽縣地名大泉觀材控安樂佛節
大泉羅塘四山口

廣南路

廣南東西路本荆揚二州之城天文牽牛夔文之分春秋百粵地後屬楚秦取百粵增置南海桂林象郡自漢武破滅南粵八海得大州分置諸郡皆其地也東南濱大海西控夷洞北限五嶺人姓輕悍好相剽殺多結讐怨漢世未崖數反叛朝議棄之唐置五管也

兵命使領之故嶺南經異使綏靜夷獠統經略清海
二軍桂容邕安南四經畧使以重其備禦唐末曲承
美據交趾劉隱據南海

本朝平盪僭竊始復被声教迄今並建四鎮以維禦
之諸州自內遣戍兵外又置澄海戰兵而儋崖萬安
州地狹戶少常以瓊管牙校典治安南數郡土壤遐
僻山海深險尤多瘴癘故但羈縻不絕而已

廣南東路

廣州南海郡古百粵也皆蠻蠻所居自漢以後入為郡
縣唐為清海軍節度

本朝平劉張復建方鎮為一都會提舉十六州兵甲

盜賊控外海諸國有市舶之利蕃漢雜處命王師出
戍置巡海水師營壘在海東西二口闊二百八十字
至屯門山二百里沿舳魚入海戰艦其也東南至大
海四十里東至惠州四百二十里西至端州二百四
十里南至恩州七百五十里北至韶州二百五十里
東南海路四百里至屯門山二十里皆水淺曰可行
五十里計二百里從屯門山用東風西南行七日至
九乳螺州又三日至不勞山在環州又南三日至陵
山東有水其西南至大食佛師子天竺諸國不可計
程太平興國中

朝廷遣三將兵伐交州由此州水路進師今置廣南

東路兵馬鈐轄以州為始所

廣南西路

桂州始安郡

紹興三年升為靜江府

秦桂林郡唐置總管府尋為

都督府又領桂管經畧軍使乾元中為桂州東至韶州二百六十里西至柳州四百七十里南至蒙州三百四十六里北至全州二百五十二里

本朝為靜江軍節度本路置兵馬鈐轄州為治所領二才九州其宜融二州西捍蠻徼邕欽廉三州南控交趾雷容二州控海路瓊州臨制海外焉

宜州龍水郡唐乾封中以桂管溪洞地置宜州控牂牁昆明等十五部為嶺南要害地今置五峇控守管羈

縻十八州知軍州者兼領溪洞巡檢使淳化中

朝廷又以琳州為懷遠軍環州鎮寧州金城州智州
並立城砦加兵戍守或置以牙職焉其地東至柳州
三百里西北至大山無徑路西南至丹州三百里南
至之忻州百里北至融州羅城縣界六十五里

砦五

天河砦

南至州百里北融州安相砦西德謹砦

西北控安化州蠻界

思立砦

東至州七十五里西環州七十五里南

懷安軍北安化州化邈鎮

晉義砦

東至州一百八十五里西富人監北安

化州

帶溪峇

東至州一百七十里西北鎮寧州北安

化州南環州

德謹峇

南至州百五十里西南思左峇西安化

州

羈縻州十八

州境悉蠻夷故地西南昆明羅殿王國北牂牁部落
自餘溪洞綿亘千餘里風壤溫濕加之瘴癘即其土
人建立郡縣有時貢無地租領州者多許夷人世襲
芝竹州唐忻城郡地水土最遠惡在州南一百四十二
里東至述昆州水二十里西至紆州界二十五里南

至賓州十五里北至龍水界五十里

紆州在州南二百一里東至象州三十里西至芝忻州界十五里南至歸恩州七十里北至象州界六十五里

歸恩州在州南二百五十里東至柳州界十五里西至紆州界二十五里南至象州界二十五里北至柳州界二十五里

蕃州在州西南四十五里東至龍水縣界一十里西至龍水縣界二十里南至芝竹州界十五里北至龍水縣界十里

述昆州在州西南一百二十二里東至龍水縣三十

八里西至智州界二百里南至富安監界三十里北至金城州界一百一十里

環州唐正觀中李洪而開拓生獠置州以環國為名在州西一百三十五里東至懷遠軍界五十二里西至金城州界三十里南至懷遠軍界六十里北至安化軍界一百餘里

鎮寧州在州西二百二十一里東至懷州界六十里西至山無路南亦無路西南蕃界一百里

金城州在州西一百六十三里東至懷遠軍界二十七里西至皆州界十三里南至迷昆州界三十里北至環州界五十里

智州在州西二百一十五里東至金城州界四十二里西至富仁監界七十五里南至迷昆州三十里北至金城州界八里

文州在州西七百三十里

蘭州在州西六百五十里

安化州在州西北百八十里本撫水州唐隸黔南在宜州南有四縣曰撫水京水多逢古勞保聚山險祥符中屢為寇斂

朝廷以蠻夷異類攻剽不足以勦絕又意其道隘險難進師第令因而撫之宜州言其言兵過惡嶺入黃泥嶺賊依篁竹門時出戰鬪遂破之焚其廬舍皆面

縛詣軍願遷漢地者七百餘口分置廣西荆湖間改
為安化州撫其餘種令蠻人分為上中下三州

南丹州溪洞之別種也與管下金州接界

本宗朝以蠻夷之俗羈縻而已許世襲知州莫淮也
者祥符中因撫水蠻反詔淮也約勒溪洞不從誘脅
明年平撫水州並以勞進秩

泉州溫泉郡秦留郡地今以牙職領之西北至州百
里

思順州西此至州九十里嘗以蠻酋主之

懷遠州在州西三十二里本溪洞琳州控龍江水口
天聖中移置西至金城州一百三十里南濟江至述

昆州六十里東至州三十二里

富安監在州西南一百五十七里本溪洞東至述昆州十五里西至述昆州界十五里南至述昆州界一十里北至述昆州界三十里

富仁監在州西二百九十五里東至三寶山一里西至文州界清水鎮五里南至智州富刀縣界五里北至南丹州白坑二里

融州融水郡在牂牁界南隋始安郡之義熙縣也唐初平蕭銑置州地控溪洞置三砦以兵戍之東至柳州落容縣界三百一十里西至宜州東零縣界二百里南至柳州柳城縣界一百七十九里西北至古州水

武陽總覽
路八百里西南至宜州三百五十五里北至叙州一
千六百里

砦三

安廂砦

東至州百二十里南陸路至宜州天河

砦北陸路至安化州界木武陽郡地淳化中折
為安廂砦景德中置接安化一帶蠻界東北武
陽縣砦

樂善砦

即古臨祥縣地東至州西南安化州西

北控一帶蠻界

武陽砦

邕州永寧郡古駱越地州北有鬱江出祥柯唐初為邕

州都督府長慶後刺史克邕管經畧使咸通中分置
嶺南西道節度

本朝為建武軍節度東至橫州永定縣二百九十二
里水路至溪洞蠻州二百四十里西至田州六百四
十里南至濠州二百八十里北至登州二百七十里
南至交州界七百里舊至交趾水路隘陝巨石梗塗
高駢在安南開鑿迄今舟楫无滯東南至欽州界三
百三十里西北至恩州二百七十里嶺嶠之外土地
遼廣管左右兩江羈縻州縣洞總三十六南控交趾
治甲洞夷人西至馬援銅柱南蠻界盡西南要害之
地置四砦守之今知州兼溪洞都巡檢提率七州兵

甲賊盜

砦四

太平砦

在左江南岸南控思蓋蠻洞右江北分

東至州十日程西廣源州二日程西南門州水

口南鑄洞一日程西北西平州北砦西州界

遷龍砦

控武盈洞一帶蠻界東至州四日程西

思明州北江州南至思州接欽州抵掉鋪入交

趾蘇州界一日程

永平砦

東至州西南交趾甲洞丹波界門州界

並一日程

南平廢砦

東至州西南交趾十二程西至平州西

南徼外洞蠻夷界

羈縻州三十

州境跨邕州三面分左右江皆蠻夷所居太平丹國中在江十溪洞首領獻款內附因隸入邕州其地烏許蠻之舊最雜屬

朝廷得控禦之策惟城要害置屯戍來則通之去則備之羈縻而已故不為邊患焉

鵝州南至州九日程本溪洞監州

本朝太平丹國中改為鵝州今廢

思誠州南至州八日程

祿州東北至州十一程東南至交趾蘇茂州南丹波

蠻界西甲洞蠻界正西微南至銅柱界端拱中交州
所管蘇茂州以鄉兵五千寇祿州擊退

武龍州東南至州十日程

田州東南至州五百五十里十一程東至橫山峒東
南古甌洞西北微外羅鵝洞蠻界

思恩州東南至州六百里

思陵州東南至州九日程

萬承州東南至州六日程

左州東南至州九日程

凍州北微外擁鵝洞東南至州十二日程

籠州正觀十二年清平公李勣招慰生蠻置州南古

甌洞東南至州十日程北門甌洞都控洞西羅林洞
波州東南至州六日程北岩洞龍英洞寧畢洞

西平州東南至州十二日程東南至平故岩西北門
州水口北至七源州南至甲洞蠻夷界

上凍州南下凍州北至武德洞接外界廣源州及銅
柱界東南至州十三日程

武義州今邕州武緣縣地天寶年改為武義州

中州東至州三日程

石西州東至州八日程

廣源州東北至州四日程

上恩州東北至州四日程

武經總要 前二卷
昆明州東至州七日程

歸思州

思明州東至州七日程

歸樂州

蕃州

萬德州

寓勞州舊田州管下

婁鳳州舊田州管下

功饒州舊田州管下

七源州東至州十二日程太平興國中率十洞首領

內附輸稅租授官爵

蘇茂州東北至州十三日南至海北古萬洞西北祿
州西丹波東伏侶洞州之間又有十七洞一曰龍英
二曰寧畢三曰都控四曰門增五曰聳洞六曰武德
七曰羅緋八曰武盈九曰田古甌十曰罇洞十一曰
憑詳十二曰萬古十三曰思藍十四曰伏侶十五曰
卓洞十六曰古增十七曰擁毬

交趾路自州西南陸行取馬援路至潯州二百七十里
又二百四十里至祿州又二百里至交州天寶以前
陸行凡二十驛一說南渡鬱江西南行經羈縻五州
至交州約六百里安南城西至愛州界小黃江口四
百十六里南至長州界靖江鎮百五十里西北至峯

州界論江口水路百五十里界至朱鳶界小黃江口
五百五十里北至武定江二百五十里太平興國中
伐交州命蘭州團練使孫全興帥三將兵由邕州路
進師

欽州寧越郡漢合浦縣梁置州唐初置總管府

本朝移治南賓縣州臨漲海又有如洪咄步如昔三
鎮皆瀕海與交州密邇置兵戍牛東至嚴州四百里
西至濱州五百八十里南大海揚帆一日至西南岸
即交州潮陽鎮西南至陸州七百四十里

砦砦四

咄步砦

南至州四十五里南即咄步大口入海

路至交趾潮陽鎮兼陸路行拒交趾管下蘇茂
州玉山砦如昔帖浪等洞今已廢

抵掉軍鋪 南即抵掉水口入海至交趾潮陽陸路
掉交州管下蘇茂州永安州玉山砦如昔帖浪
等四洞東至如洪水口西邕州界伏佻洞接交
州界

如洪鎮 鎮城舊為砦有戍兵天禧中廢近交趾
蘇茂州界接如洪水口入海至交趾潮陽鎮水
路端供中交趾戰艦一百餘艘至鎮畧居民畧
廩食而去

如昔軍鋪 本如昔洞地在安遠縣界東北至縣一

百三十里東至州西邕州界接交趾蘇茂州

廉州合浦郡漢所置吳改珠官宋兼置臨痺郡及越州
領郡三並治於此特西江督護陳伯紹為刺史始立
州穿土瓦誠威服僊僚唐置廉州地控海口有羗江
置二砦守之東至白州百二十里西至欽州三十里
南至大海六十里北至欽州界百四十里東南西南
皆大海東北白州二百六十里

砦二

鹿井砦

在州西南控象鼻沙大水口入海通交

州水路

三村砦

在州東南控寶蛤灣至海口水路東南

轉海至雷州迤角塲

海路州西南邊海有譚家水口黃標水口藏涌水口西陽水口大灣水口大亭水口並入海之路

雷州海康軍漢屬合浦縣梁置合州後以合淝為合州因加南字唐為雷州控入海水路東至海三十里西至海一百五十里南至海一百七十里北至化州一百六十里

海路從海州東北陸行二十五里抵譚源泛海至羅塲接吳州縣通江水從吳川上水至化州三日程自化州下水至海口四日程從周東至海三十里渡小海抵化州界地名礪州入思廣州通江浙福建等路從

州東南陸行一百四十五里抵海至諸蕃國從州南
陸行一百七十四里至通角場抵南海即瓊州對岸
泛海一程可至瓊州從州西陸行一百五十里泛海
水路至安南諸蕃國從州西北陸行至成月驛兩程
至化州吳川縣界舊從康祿場陸行至舊廉州六程
有海湧共大処水口

容州普寧郡古越地宋南流郡唐平蕭銑置銅州尋改
容州置經路軍使兵千人鬼門關距州南五十里往
交趾海路由此

本朝為寧遠軍節度管一路九州兵甲賊盜東至藤
州一百二十里西至鬱林州七十七里北至龔州九

十九里南至南儀州五十八里

瓊州瓊山郡海中之洲也其地方千里編戶治黎人所居漢武帝置朱崖儋耳二郡盡其境元帝納費捐之議棄之唐憲宗朝瓊管六州六十二洞歸順復置刺史治之今知州兼瓊管一路轉運使及兵甲盜賊事東至海一百二十里西北至儋州一百八十里南至萬安州界七日程北至海一十里

黎洞雜瓊管舊地在大海南北對雷州岸泛海一月至其地有黎母山黎人居焉今澹崖萬安皆以黎為境其服屬州縣者為熟黎其居山洞無行徑者為生黎亦時與郡人互市焉

論曰蠻夷諸種惟其內屬之國則皆列為郡縣有酋
長頗同齊人其餘類無君長隨溪谷群處有採捕而
無賦役則曰莫徭錯居山谷間者則曰夷人獠人黎
人瀕海而居者則曰蜑戶其名不可勝紀皆依帖崑
險居篁竹之間鑿山火種雜射獵為食然天性喜寇
盜稍窮則相攻奪甚則至侵犯邊民祥符中萬安州
言黎洞人互相殺仇巡檢使臣深入誅捕王卒有戰
傷者

真宗曰朕累有宣諭蠻夷相攻止令和斷不得擅發
兵甲致其不寧當令禁止之蓋聖王之愛民也不以
不居之地不教之俗反勞弊中國之衆也是以前代

過四夷率羈縻而不屬其反覆者備之而已不討其罪其侵軼者驅之而已不報其怨

先帝戒吏正謂此焉苟謹守勿生事則邊患亦鮮矣凡湖湘夔峽三路邊州義軍土丁三萬九百八十人以守諸砦命土人總領以伐王師之戍者不給賦役不資饋餉習其風土故罕嬰葦毒知其溪谷故可制校槍仍置都指揮使砦將指揮使副指揮使兵馬使都頭副都頭以下戎給以部勣之有分番代更之制有叙功遷補之例施之裔夷正得禦策其廣南及戎瀘雅三路未置故不書

武經總要前集卷之二十一終

武經總要前集卷之二十二

北蕃地里

燕京州軍十二

關口

幽州四面州軍

西京州軍十一

雲州四面諸州

戎狄舊地

中京四面諸州

東京四面諸州

上京四面諸州

蕃界有名山川

奚。渤海。女真

北蕃地理

契丹其先與奚異種同類俱為慕容氏所破竄于松漠之地後居黃龍之北遼澤間遼澤去榆關一千一里百榆關去幽州七百里其地南接海東際遼河西包

冷陁地界松陁山川東西三千里唐置契丹王慕容
漢府都督光啓中中原多故北邊無備其王欽德稍
蠶食達靺奚室韋之屬咸被驅役族帳寢盛天祐末
遂僭號欽德政棄別部酋長阿保機強大乃攻渤海
扶餘城下之徙其人而盡有其他又陷中國平營二
州百晉有國割幽薊瀛莫涿檀順新端儒武雲應寰
朔蔚十六州賂之周世宗復收瀛莫

本朝陷易州今契丹盡有奚達靺奚室韋渤海扶餘及中
中國十八州之地其振武豐州舊在胡中而

朝廷置吏領之今亦陷其國東南界新羅熟女真東祭
生女真東北控黑水靺鞨西抵夏國西南距河東岢

嵐火山寧化軍代州并州南濱真定州西山界洎保
雄滄州東南泛海至京東登萊州

燕京州軍十二

中原舊地幽州古冀北之地舜置幽州東有朝鮮遼東
北有獫狁白檀西有雲中允原南有滹泥易水唐置
范陽節度臨制奚契丹理幽州自石晉割賂戎主建
為南京又改燕京東至符家口三百九十里正東微
北至松亭關四百五十里西至牛山口百里正西微
北至居庸關一百一十里東北至中京出北門過古
長城至望京四十里又過溫餘河大夏陂五十里至
順州東北過白嶼河七十里至檀州自此漸入山五

十里至金溝淀入山詰曲無復里堠過朝鮮河九十里至古北河口兩旁峻崖有路僅容車軌八十里至新館過鴈窠嶺四十里至臥知來館又七十里至柳館過松亭嶺七十里至打造部落又東南行五十里至牛山館八十里至鹿兒峽館又九十里至鐵漿館自北漸山七十里至富谷館又八十里至通天館又二十里至中京南至雄州出南門渡盧孤河六十里至良鄉縣又過劉李河氾水涿水至涿州六十里又七十里至新城縣又四十里至白溝河渡河至雄州

関口

幽州四面平川無險阻可恃惟古北口以來據其要害

可設兵屯置堡砦唐范陽節度之地古北口松亭關
野狐門等路並立保障至今石壘基堞尚存有入番
之路十數

大林口

幽州正南東至監泊北至滌州石城
縣西北至符家口山路

符家口

幽州正東三百四十里正東至滌河
即滌州北至平州山口之西屬幽州東

屬平州

松亭關

關東北五里至滌河關城自幽州東趨
營平路甚平坦自古匈奴北邊多由此

略幽州東北四百八十里北趨澤州略

至中京四百五十里西至平州薊州有
樞安燕氏二山口通車馬

古北口山

幽州正東二百七十里兩旁陡峻中

路僅容車軌本范陽防扼奚契丹之所
最為隘東

得勝口

山口在幽州正北山口盤道數層裕名

思卿嶺南至檀州北至北安州

宋王口

幽州北一百二十里居宋王山口之地

屬山後

曹王口

幽州微山一百二十里居曹王山口之

北屬山後

君庸關

幽州西北一百一十里關之西北二十

里即君庸關山一路西至媯州一路北

至儒州

牛山口

在幽州西

紫荆嶺口

幽州西南二百里嶺口之南屬易州

北即山後蔚州界

幽州四百里軍

涿州古涿鹿之野軒轅皇帝戰蚩尤之地漢高祖置涿

郡隋煬帝伐遼開永濟渠二千里汎龍舟通涿郡是

也新城即古胥充亭之地州之北有涿水范水刻李

河入幽州界南至莫州一百六十里東北至水一百

二十里

關

祁溝關 東北至涿州四十里西北至易州六里
薊州漁陽郡隋置總管府唐開元中分漁陽王田縣置
州東至平州三百里西至幽州二百一十里南至海
口百八十里北至發長城塞二百二十里東南至平
州一百八十里東北至盧龍戍一百里西北至檀州
二百七十里

檀州治密雲縣漢李廣弭節白檀是也隋置州為燕之
邊陲障塞唐置威武軍東至薊州二百一十里西至
幽州界北長城四十五里南至幽州五十五里東北

至長城障塞百里西北至媯州一百五十里

順州治懷柔縣唐開元中置東至薊州百三十里南至
幽州九十里東北至檀州八十里

平塞軍在涿州西南北至易州四十里南至廣信軍四
十里

易州漢涿郡固安縣地隋爲上谷郡唐武德中平竇建
德改爲易州石晉割賂北虜尋爲定武軍節度孫行
支襲取之雍熙中再陷有駁牛山五迴嶺易水徐水
東牛欄二砦南至莫州百八十里廣信軍七十里東
北至幽州三百一十里西北至紫荆嶺一百里趨飛
狐口至蔚州三百八十里西南至定州百四十七里

灤州治義豐縣唐末劉守光據州叛暴虐尤甚營平之

地於中國南為海隅其民不得已歸於北虜會石晉

割路燕薊易定師三都盡驅其民入契丹因以烏灤

河為名以居之縣邑猶不改望都安喜之名東北灤

河按賈耽所說自薊州西北一百二十里至鹽城守地又西北渡灤河至盧龍鎮西至石城

九十里南至海二百一十里北至平州四十里

遼州古遼西北之地臨渝關在州東北五里先是平勃

海遷其民置州以居之仍名其邑曰遷民東至來州

七十里西至閔州四十里南至海州三十里北至利

州四百五十里

閔州盧龍塞東北接遼東燁唐先啓中契丹有營平之

地因渤海之叛既討平遷其部落置州以居之取閼水爲名東至遼州四十里西至渝關四十里南至海三十里北至中京五百五十里

平州盧龍郡漢屬遼西郡三國志曹公北伐烏丸田疇

從盧龍道引軍塹山堙谷五百里登白狼山即此路

隋置北平郡有長城臨渝宮碣石有玄水盧水沮水

澗水龍鮮水溱河又有黃洛水今有羊洛城

語訛也

西

至冀州三百里南至海二百里北至上谷口八十里

東北至渝關守捉百九十里西北至盧龍塞二百里

北安州後魏置安州築城在幽州之北正當松漢之地

契丹今建爲北安州墨斛嶺牛山會僊石柰河柳河

皆在其境東北至中京二百五十里西南至古北口
二百八十里南至幽州二百五十里西北至柳河五
十里

招延州置州以渤海部落居之東小凌河西南至幽州
四百五十里南至濶州界北至澤州

以上並幽州四面州軍

西京州軍十一

雲州雲中郡平城白登山單于臺並在其境唐置大同
軍雍熙中王師北伐潘美楊業並出雲應路連接雲
應寰朔四州師次桑乾河會曹彬班師遂不克守遷
四州民于內地今契丹偽號西京東取媯州路至幽

州七百里正西微北至單于都護府三百里西南至
代州界一百五十里至北長城蕃界三百里西南至
并州七百里西北至黑山七百里東北至陽河曲蕃
三百四十里

雲州四面諸州

媯州媯州郡唐初置北燕州正觀中改媯州取城中媯
水爲名涿鹿山磨笄山版泉在焉石晉割賂契丹周
世宗時戎主避歸周之名改爲可汗州東北至儒州
二百里西南至蔚州二百九十里東南至幽州二百
里西南至代州四百二十里東北至美女關百里北
至張詭築長城九十里○禦夷鎮後魏築長城今契

冊改爲望雲縣按皇華四達記媯州北一百四十里
至廣邊鎮一名白城又東北五十里至赤城又北七
十里至鎮城陁山在鎮城西北即奚契丹避暑之處
今日炭山

蔚州安邊郡有胡蘆河即周禮井州漚夷川也漢塞飛
狐之口言其隘也有松子口即古之松陁嶺也

本朝田重進將兵北征牙將李璋存與契丹酋帥率夷
民空壁來降重進無一兵一矢之損會幽陵不守棄
之東至易州三百二十里西至朔州三百八十里西
至代州四百六十里賈耽曰西行二百九十里至
江縣又二百里至代州南
至真定府五百里北至天城軍百八十里東南至幽

州五百里西南至亂柳關九十里

朔州漢馬邑城唐初置州西北四百二十里即單于臺東北四十里至白登山桑乾河參合陂並在其境

本朝雍熙中王師北伐圍城節度副使趙希賢伐城降會曹彬班師尋棄之東至蔚州四百里西黃河南至南界草城川口四十里川口至岢嵐軍三十里北至應州二百里東南至火山軍界六十里西南至神武縣自縣至南界寧化軍二十五里西北至雪山百六十里與岢嵐軍分界

新州治永興縣後唐同光中升爲威塞軍節度以媯儒武三州隸之契丹改爲奉聖州東即桑乾河源所出

武經總要 卷之四十一
東至薊州九十里東南至幽州三百里西南至蔚州
百里南至雲州四百里

儒州治縉山縣唐北河北道不知滄州之由東至望雲
縣九十里東南至幽州二百五十里西至新州百二
十里西南至雲州九十里西北至九十九泉

武州治文德縣舊曰教州長興中改爲武州地有武川
石晉割賂胡中改爲歸化州南至新州七十里

應州泊金城縣後唐大成中建爲彰國軍節度以寰州
隸焉

本朝雍熙中潘美乘雲朔之捷兵至城下節度副使艾
正以城降東至雲州二百里西黃河南至朔州二百

里北至混源縣八十里

寰州治寰清縣

本朝雍熙中大將潘美北伐出鴈門西陁路與虜遇力
戰至城下州將趙彥辛以城降會幽陵不守棄之
振武軍單于府陰山之陽黃河之北漢遣因捍將軍公
孫敖築塞外受降城唐爲振武節度治東受降城善
陽嶺燕然山李陵臺竇憲銘在焉東南至幽州一千
二百里南至朔州三百五十里北至黑山磧石口七
百里

安北都護府唐朝方軍與突厥以河爲界北岸有拂雲
祠突厥將入寇先詣祠祭酹牧馬料兵而後度河張

仁愿乘虛取之河北築城三所以拂雲祠為中受降
城與東西兩城相應皆據津濟開元中豐勝二州界
置都護府東南至東受降城二百里西南至西受降
城百八十里北至陰山八十里西北至磧石口三百
里

故豐州九原郡隋開皇中置豐州又云唐正觀中平突
厥置州天寶中於木刺山置橫塞軍尋改為天德軍
郭子儀為之使仍兼九原太守以歸附之衆置都護
府惟領蕃兵西受降城在州北河外九十里

戎秋舊地

中原舊鮮卑之地在饒樂府西南本奚王國牙帳之地

奚部落南距古北口北距漢水東即營州千餘里皆
其境土後為契丹所併景德中虜王築宮室城垣建
為中京偽號大定府東至營州界青山嶺一百七十
里西即山後儒州界東南至旌州二百三十里南至
幽州九百里一路由松亭關
一路古北口北至上京六百九十里
正北八十里至臨都館又四十里至宮室館又七十
里至松山館又七十里至崇信館又九十里至廣寧
館又五十里至姚砦館又五十里至咸寧館又三十
里渡漢水石橋旁有饒州蓋唐朝常於契丹置饒樂
府又五十里至保和館又七十里渡黑水河至宣化
館又五十里至長泰館西二十里即祖州又四十里

至東京東微北至木葉山五百一十里

中國四面諸州

澤州松亭關北遼澤之地東至利州百里北至中京百
里西至北安州二百里南至平州二百五十里西南
至松亭關二百里

渝州隋臨渝宮之地北控營平歷代置關戍守今胡中
置州東北海州西北至中京百七十里西至招延州
四十里

黔州虜王耶律德光初置東北至望海峰五十里東至
顯州五十里東南至梁家務六十里北至閭山縣六
十里

來州號歸德軍女真國五部落相率來降胡中因建州以居之東至溫州七十里西至遼州七十里南至大海四十里北至建州三百五十里

利州虜承天后所建東至建州百二十里東北至建州百一十里西南至蘭州六十里南小凌河路至平州五十里西北至中京百五十里

建州胡中地今號保靜軍節度本遼西之地德九立為州嗣王即位契丹號穆宗三關之地復為周世宗所取時

時江南諸國欲牽制中原遣使齎金幣泛海至契丹國乞出師南牧卒不能用其謀入番人使舟楫水師悉留之建州雙州霸州並置營居之號通吳軍東南

至器仗山三十里東北至霸州九十里南至渝州五十里西南至小凌河十里

與中府營州地浚末烏桓鮮卑所居唐平盧軍節度使

治所令號與中府東至遼河三百里西至中京三百

里西南至建州六十里北至湟水四百里舊契册界西北

至松陁嶺百里舊契界東南至安東都護府二百七十

里號平壤城東北至日川州七十里

新州本契丹國之地東至徽州二百里北至永州三百

七十里西至惠州百三十里南至霸州三百里

白川州築城在遼澤之中東距醫巫閭山西至營州地

宜桑柘民知織紵之利歲奉中國幣帛多書白川州

稅戶所輸云東至黔州七十里西至中京四百三十里東南至宜州百里西南至霸州七十里

宜州按皇華四建記營州東百八十里凡九遞至燕郡城自燕郡東經汝羅守捉渡遼州十七驛至安東都護府約五百里今以契丹地圖校至東京五百二十里

東京即安東都護治所州城即古之燕郡城是也本遼之西地漢魏間烏桓鮮卑所據在營州之東契丹置崇儀軍節度舊有江南水軍號通吳軍置營居之東醫巫閭山西至霸州二百里南至錦州九十里

北白川州遼州遼隊縣故地

本朝天禧中契丹建為州仍曰始平軍東至乾州百二十里西北至宜州四十里南至海二百里北至中京五百五十里北至醫巫閭山八十里

海北州古城也在遼河之西滄海之北阿保機建為州東至錦州八十里南至海百二十里西北至中京五百三十里

暉州胡中呼為暉州祿州穆州並曰于越王城耶律遜寧者虜中大將也蕃語謂之越王不知創立之因東至宗州西紫濠川南酒糟河北演水

祿州東曼頭山西南暉州北夏送河

穆州東醫巫閭山西中京四百里南醫巫閭山砦北酒

槽河

恩州德光所建本烏桓舊地南至中京六十里西至馬孟山六十里西北至曼山頭三十里山北至宜坤州五十里西南至上京二百五十里北至高州百二十里

惠州阿保機所建在鮮卑之地

本朝景德中初契丹入寇河北德清軍失守俘虜人民於此置城居之城方二里至低小城內有瓦舍倉廩人多漢服東至新州百三十里西南至中京百二十里南至建州二百三十里北至漢水石橋至高州百五十里

高州契丹收新羅諸國俘虜人民置州以居之仍置倚
郭一縣以三韓為名南至中京百四十里東南至恩
州五十里西北至饒州六十里

東京遼東安市城也城之東即大遼河之西即小遼河
秦屬遼東郡漢屬幽州唐太宗平高麗因名所幸山
為駐蹕山山在東北後為渤海國契丹建為遼州得
其地為東京岳州在其東即李勣所平白岳州也皇
華四達記曰自安東府東南至平壤城八百里西南
至都里海口約六百里西北至建安城約三百里正
南微東至鴨綠江北洎約七百里今以契丹地形圖
參校惟建安城不知處所其他地形遠近率同也東

至熟女真界約五百里西至遼河百五十里又八百
八十里至中京西六十里至鶴柱館又九十里至遼
水館又七十里至間山館在醫巫間山中又九十里
至獨山館又六十里至唐葉館又五十里至乾州微
北六十里至楊家砦館又五十里至遼州北六十里
至宜州又百里至牛心山館在牛心山北中又六十
里至霸州又七十里至建安館又五十里至富水會
安至中京三驛程各去七十里南至平州五十里自
平州至幽州五百五十里北至瀋州百二十里東南
至鴨綠水九百里西南至錦州四百里東北至黃龍
府七百里西北至顯州三百里

東京四面諸州

濬州德光所建仍曰昭德軍契丹舊地也東至大遼水
北東即女真界西南至東京百三十里北至雙州八
十里

韓州在三韓之地本州海西北邊之邑舊有三州契丹
併為韓州東北至生女真界西至惠州九十里西至
遼河六十里南至通八十里

同州阿保機所建仍曰鎮安軍契丹舊地東至生女真
界西南至東京二百里西北至雙州七十里東北至
集州七十里

耀州地控新羅界胡中要害之地東臨綠江女真界西

大遼南石城北至東京百五十里

信州唐天后時置州以處契丹失活部落隸營州都督
明年遷于青山州安置今契丹建為彰勝軍東南北
三面至生女真界各三十里西至道流河七十里東
南至長春州百二十里北至黑水河三十里地有黃

龍縣

古渤海國之也今虜中號黃龍府
自云高祖射黃龍之所謗詞也

銀州阿保機所建女真國舊地東至道流河五里入生
女真界西至雙州七十里南至東京三百里北至渤
海州六十里

雙州契居號保安軍有通吳軍營壘東至逆流河二里
入生女真界西至遼州七十里南至瀋州七十里北

至渝州百二十里

貴州古城方二十里曹魏時公孫康所據城也漢樂浪等地東南北皆生女真界西至瀋州八十里

顯州本渤海國按皇華四達記唐天寶以前渤海國所都顯州後為契丹所併又有集康二州並撥屬本州東至遼州九十里又三百九十里至東京西至宜州百二十里南至乾州七里北醫巫閭山

乾州在醫巫閭山之南古遼澤之地虜主景宗陵寢在焉今置廣德軍節度兼山陵都部署東至顯州八里西南至銀冶砦二十五里西至遼州六十里北至兔兒橋四十里

宗州在石熊山之陽管熊山一縣古遼東之地東遼水南至顯州一百里北潢水

岳州本高麗所據之地唐太宗伐遼師次白岳城下因之建為岳州今契丹置兵屯守州名不改東至女真界百九十里東南至東京五十里南集州北雲山縣開州渤海古城也虜主東討新羅國都其城要害遠為州仍曰開遠軍西至來遠城百二十里西南至吉州七十里東南至石城六十里來遠城虜中庚戌年討新羅國得要害地築城以守之即中國大中祥符三年也東至新羅興化鎮四十里南至海三十里西至保州四十里

保州渤海古城東控鴨綠江新羅國界仍置推場通至互市之刑東南至宣化軍四十里南至海五十里北至大陵河二十里

吉州三韓古城也契丹置兵防控新羅諸國東石城西南鴨綠江東至大監州百里西至海

監州三韓之地舊有城邑置兵防制新羅諸國又有小監州相去八十里東保州西至海南即海北小監州錦州遼西之北南至大海北距柳城阿保機建為州今號臨海軍東至顯州二百里西南至嚴州百七十里南至大海三十里北至宜州百二十里

嚴州柳城之南古遼西之地阿保機建為州東至錦州

百七十里南至海四十里北至霸州二十里

隰州虜主隆緒建為州東至海二百里西至來州八十里南至海五里北至遼州三百三十里

上京潢水之北東際遼河西包冷陁南與奚人部落相接距幽州一千七百里本解卑之地君長姓大賀氏有八部唐正觀中諸部咸請內屬乃置松漠府以居之賜姓李氏兼松漠都督至阿保機始立年號稱大遼國建所居部落為西樓有樓數間而已後燕人所敦乃為城郭宮室之制邑屋門皆東向如軍帳之法至德光建為上京置臨潢府東至潢水二百一十里西南至饒州三百里西至鹽泊八百里

上京四面諸州

長春州契丹國舊地仍曰韶陽軍亦為罪謫者配隸之
所北至黃龍府百里東北至龍化州四百里南至微
州三百五十里西南至新州四百里西北至上京二
百里

永州在木葉山之陽潢水之北契丹國舊地也一路西
北至鞏泥二百里一路西北至上京三百里

烏州本契丹國舊地為烏素部畜牧之所今建為州東
南至羣鹿二十里東北至遼州七十里北至鴨子河
三十里

龍化州州在木葉山東十里阿保機始置四樓此即是

東樓也會病卒葬于西南山即今祖州也以所卒之地置州曰龍化即此州也東至泉州二十里西至降聖州五十里西南至新州四十里南至遂州二百里北至慶送河五十里

降聖州契丹國舊地泉遼河西野狐山東南至暉州三十里南平頂山北至龍化州五十里

宜坤州契丹為啓聖軍節度即應天太后所生地也東至長泊十五里西南至上京二百里北至踏弩河二千里河北至大水泊五十里

祖州何保機既創西樓又於西南築一城以貯漢人今名祖州在唐置饒樂府西北祖山之陽因為州名阿

保機葬所也今號天成軍南至饒州百八十里北至上京四十里

懷州契丹號奉陵軍州將兼以陵都部署即虜主德光葬所也東南至中京三百五十里至平地松林四十里北至潢河十里河北至上京百五十里西北至遼靺國三百里

慶州契丹舊號黑河州置州在黑山之陽北至黑山三十里即虜主隆緒所主也近年改為慶州東自令河館至曼頭山西靺遼國界南至潢水二十里北至室韋國七百里東南至上京二百五十里

饒州唐遼饒樂府都督以處奚人部落契丹建為饒州

在潢水之北石橋旁以渤海人居之西南至平地松
林百里南至中京五百里此至牝河十里東北至上
京三十里西北至祖州七十里

通州夫餘國在高句麗北本濊貊之地其國長城之北
西與鮮卑接地方二千里後為渤海國阿保機平之
為東丹王國今改為通州仍名曰夫餘府

蕃界有名山州

陰山東南至雲州六百里秦始皇平天下北却匈奴築
長城渡涿河以陰山為塞是也前漢侯應曰北境塞
至遼東外有陰山東西千餘里草木茂盛多禽獸本
冒頰單于依阻其中理作弓矢常出幽州為寇是其

苑園也孝武斥奪此地然後邊境少安長老言匈奴失陰山之後過之未嘗不哭周隋間突厥復治陰山炭山本匈奴避暑之處地多豐草掘丈餘即有堅水賈耽所說媯州西北八百里至陁山即奚契丹避暑之處唐史載契丹之地西至冷陁是也今胡中目為炭山近更名慶山自幽州西北路清河館即居寶關鵬巢館赤城口始有居人望雲縣受賜川凡十日程至炭山

木葉山本阿保機葬處又云祭天之所離中京皆無館舍但宿穹帳將至山三十里始有居人瓦舍僧居又歷荆榛枯草復渡土河始至焉初阿保機疆盛於木

禁山置樓謂之南樓山北置樓謂之北樓大部落東
千里置樓謂之東樓今上京置樓謂之西樓四特遊
獵於四樓之間西至上京三百里南至中京五百一
十里

長白山草木為獸蓋白上有古城

曼頭山羌戎之地有曼頭山在甘肅州界今北土亦有
曼頭山南距潢水本契丹之地虜主避暑之處今更
名大安山渡踏弩河至大水泊南至小京東至宜神
州西木葉山

鮮卑山柳城縣秦漢時鮮卑所保

醫巫閭山周禮曰東北曰幽州其山鎮曰醫巫閭山其

川曰奚養即遼東山也唐築巫閭守捉城契丹改為
閭州又置乾州顯州在山之南二州相去七里
首陽山古孤竹國之地伯夷叔齊孤竹君之二子餓死
首陽山之下即此山也

碣石山地理志碣石山在右北平驪城縣西南漢武帝
登之以望巨海而勒其石枕海有石如甬道數十里
大石如柱形世名天橋柱

十三山北醫巫閭山南距大海東至東京西小遼水
根山北黑山東祖州

駐蹕山在東京之東唐太宗駐蹕之所

墨斗嶺亦名慶雲嶺不得勝嶺比百二十里唐置墨斗

軍使禦捍奚界

鴨綠水高麗國西源出靺鞨白山水色似鴨頭去遼東五百里高麗之中也此水最大波瀾清徹恃之以為天塹水闊三百步在平壤城西北四百五十里水東南二十里分界至新羅國興化鎮自黃土巖二十里西北至東京八百五十里南至海六十里

遼水在漢樂浪玄荒之地東西四百八十里水經云六遼水源出靺鞨國西南山南流會白捨水至安市城今號東京小遼水源出遼山西南流與天梁水會在國西也

潢水出西北塞外不知發源之所水北即紫濛川有石

橋本契丹國舊地

踏弩河源出木葉山東流入鴨子河在曼頭山北

易水源出涿郡故安縣東流過武遂西山范陽容城

桑乾河濕水源出鴈門東流與桑乾水會馬邑川水出

馬邑西東流至易州幽州東南隅東入于海

巨馬河出代州郡廣昌縣漆山即滾水也有水二源俱

出深山過容城北東入于海

白馬從秦起塞西自臨洮北臨沙漠即此地

金河泊唐開元中勝州置陽壽縣後改名金河今屬振

武隋大業中煬帝親巡沂金河而東北幸突厥啓民

帳是也泊東西二十里周圍十里上承紫河以濛水

西流入河

長泊周圍二百里泊多野鵝鴨戎主射獵之所道出中
京之北四日程經榆林館饑鳥館香山子館南北即
長泊北至上京八百里西至宜坤州十五里

九十九泉水經曰阻陽城東八十里有牧牛山山下有
九十九泉即滄海之上源也後魏多住九十九泉虜
主每南牧多聚謀即此南至雲州北至炭山

鴛鴦泊在狗泊西鹽泊東北西南至幽州千三百里南
儒州佛峪嶺至泊八百里東南媯州捨斡嶺至泊千
里

清泉定幽州西北清河館至清泉淀三日程

尼姑河水經曰姑河從塞外來一曰姑水出禦夷鎮北
九十里過魚陽南與溫餘水合為姑河今號尼姑海
口

大監泊周圍三百里東至上京一千五百里契丹中更
名廣濟湖虜中呼為縻到斯裒濠州東南亦有大監
泊小監泊南接漢界

小監泊周圍百里東至上京二千里契丹更名惠民湖
落黎泊東至炭山西至鹽泊南至退軍部落北至狗
泊

大水泊周圍三百里至上京五百里南至幽州千三百
里虜中呼為撒得裒一在曼頭山北西至木葉山東

至鴨子河

鴨子河在大水泊之東黃龍府之西是鴈鳴生育之處
放馬泊番子中呼為招討放馬泊在天德之北

軒車泊周圍三十餘里南中京北上京

驢駒兒河源出塞外在契丹國西北契丹命齊王妃與
捷覽捍達靺鞨即此也

狗泊西鴛鴦泊北達靺鞨國界東南炭山

平地松林東至懷州四十里西南至幽州千七百里

紫濛川秦制三十六郡北沙漠即紫濛北白馬淀是也

偽燕慕容廆世居北夷邑於紫濛之野元康中定都

大棘城在大漠之南唐營州節度張守珪破契丹出

師次于紫濠川大閱軍實

奚。渤海。女真

始未附見

奚本匈奴別種牙帳在東湖之地酋長號王唐制兼饒樂府都督居陰涼州東至營州五百里西南至幽州九百里後徙居琵琶川在幽州東北數百里古北口之北天祐初契丹漸盛遂受制焉或徙居予媯州依山而居之有東西奚之號今契丹盡取奚之故地

渤海夫餘之別種本滅貊之地其國西與鮮卑接地方三千里唐平高麗就平壤城置安東都護府統之萬歲道天中契丹攻陷營州靺鞨酋人反據遼東分王高麗之地渤海因保挹婁故地中京封為渤海郡王

兼汧州都督天成初契丹阿保機兵力雄盛東北諸
番多臣屬之以渤海土地相接有吞併之志攻其國
天餘城下之立長子突欲為東丹王領兵守之
女貞者渤海之別種也契丹謂之虜真地多山林俗勇
得善射後有首領三十分領其種地多焉

本朝來貢方物建隆中詔登州沙門島人戶置舟楫濟
度女貞馬來往淳化中契丹怒其朝貢中國去海岸
四百里置三城以兵三千絕其貢獻之路今附契丹
者為熟女貞置一十八州 耀州 贛州 海州

銅州 教州 崇州 興州 荊州 荷州 朝州

廬州 賓州 邳州 鐵州 定理府 懷北州

麓州 廣州居於東京三百皆僑立州立各民籍每
州千戶至百戶餘依山林不服從者謂之生女貞

武經總要前集卷之二十二終



「武經總要前集」後記

「武經總要前集」成書於一〇四四年，是北宋封建王朝用國家力量來編輯的一部軍事科學著作。它對於軍事組織、軍事制度、步騎兵教練、行軍、營陣、戰略、戰術、武器的製造和使用、軍事地理（邊防地理）等各個方面都有所論述。

其中營陣和武器兩部分，除了文字的說明而外，還附有大量的插圖。這部書在當時曾經起過推進軍事教育和加強國防力量的作用，而在今天看來，它既是探討我國軍事學發展歷史的重要資料，又為我國中近古時期物質文明巨大發展的情況，提供了非常可貴的佐證。例如本書卷十一和卷十二裏面，保存了第十一世紀初葉的三個配製火藥的方子：毒藥烟毯法，含有十二種成分；蒺藜火毯法，含有十種成分；火炮火藥法，含有十四種成分。這些成分裏具備了毒性的、爆炸性的、燃

燒性的藥料，各有一定的分量。由此，充分地說明了在這個時期，我們的先人已經在相當高的程度上掌握了火藥技術，遠遠地走在其他國家前面。

「武經總要前集」裏有四卷書，對於北宋時期武備上使用的各種長短兵器、射遠器和防禦武器，都繪有詳圖，輔以說明。這些圖片固然繪法稍嫌簡樸，比例欠精；但是毫無疑問，有了這些圖片，才能把自南北朝、隋、唐、五代傳襲而來迄宋更有發展的武器形象的輪廓，傳達給我們。北宋這個王朝，處在我國封建社會的高級發展階段，經濟、文化都有跨越前期的進展，軍事技術和武器發明也毫不例外。但是人們常有一個錯覺：鑒於北宋遭受強敵契丹、西夏和女真的侵犯，屢喫敗仗，便斷言這個朝代的軍事是不行的。（如周中孚「鄭堂讀書記」卷二十八說：「軍旅戰陣之事，本非宋人所長。」）這是沒有從本質來看問題，沒有看到北宋王朝之橫遭外侮，不是由於武備、武藝之不修，而是由於這個王朝的政治腐敗，特別是政略的錯誤（「安內」為首，攘外為次）所致。細閱這本書的武器圖

說部分，可以明確地瞭解當時科學技術的發展水平，有助於我們對於這一歷史時期社會形態的認識，也有助於我們對於這個時期政治情況的分析。

「武經總要」分前、後兩集，各爲二十卷。「後集」的內容，一部分是輯錄前代用兵的故事，一部分是論述「兵陰陽」。前者略同於史鈔，後者涉及於迷信，價值大不如「前集」。而且「後集」沒有版畫，因此我們但印「前集」而不印「後集」。

「武經總要」在慶曆四年（一〇四四）經宋仁宗核定出版後，在南宋紹定四年（一二三二）又曾重刻。兩宋槧本，今都不能見及。明弘治、正德間（一四八八—一五二一）有重刻紹定本，即我們影印所用的原本，有理由可以相信是一個按照紹定本行款的覆宋本，因爲遇宋帝、本朝字樣提行，而廟諱痕迹仍有保留。（弘、正間刻本，因所附「行軍須知」有正統四年李進叙，孫星衍「廉石居藏書記」卷上遂定爲此年刻本。但就字體、刀法看，應非十五世紀三十年代的刻本。

故洪頤煊代孫氏編「平津館鑒藏書籍記」時，亦不復再言正統刻。

「前集」二十卷中，第十六卷、十八卷各分上、下兩卷。弘、正刻本移原卷十六下的「北蕃地理」爲第二十二卷，又把原卷十八下作爲第十九卷，改原十九、二十兩卷爲二十、二十一卷。總的來講，多出兩卷。但目錄上仍書二十卷。由於「後集」未載紹定四年趙休國跋稱四十四卷，以及弘、正刻本應是覆刻，因此可以相信南宋刻本已改其卷第，而非明人竄亂舊次。

明本流傳，既極稀少，這書已成珍祕之本。故二十餘年前編印「四庫全書珍本」時，遂用文淵閣寫本影印。今日易見的，卽是此本。但「四庫」寫本「武經總要」，實極惡劣，綜其缺點，凡有四端：一，所據底本，中有缺葉，不加說明，妄事連綴。二，庫本通病，擅改擅刪宋人著作中的北虜、匈奴字樣，同樣也發現在本書中。三，鈔寫錯誤，或以意爲之，以致形成混亂。四，這也是非常重要的一點，卽庫本插圖，大失原意。由於器物形制之圖，是文物考訂的依據，愈

能近真爲愈佳。庫本遠遠不能負起這一責任。

鑒於本書對於我國古代文化史的研究有其重要作用，而舊刻本又極稀少，因此我們借用鄭振鐸先生遺藏的弘、正間刊本影印。該藏本第一卷所缺第二葉一張，已借上海圖書館所藏同一刻本補足，藉成完本問世。

中華書局上海編輯所 一九五九年六月